


# KANGISANO

 Linzila za Hae halikonwi ku fumanwa, nji cwani? Mulena Yomunde! Ha ki bunde ni boo ku Mu sepa. Ni sepa kuli mubile ni nako yende busihu boo. Mi ha ni kwalula sikwalo sani mizuzu nyana yefitile na utwa Kezeli Gertie inza opela pina ya kale yani, *Tundamena Kuswalelela, Ona Cwalo Fa Hola Fela*, ya tisa mihupulo ya keleke yaka yenyinyani, hane i sa li fela Ni si ka funduka kalw kuya mwa musebezi wa mwa simu. Ni talima cwale fo kuizwe “Mubate Mulimu Pili” fapila musumo wa kale woo, Na hupula Sammy Davidson yana swanisize sani fani mwendi ka myaha ye mashumi amabeli ni aketalizoho kwa mulaho, kwa neku leliñwi Ni sepa ku ñozwi kuli “Ki Kai Ko Ka Yo Ina Kamita? Unahane!” Mi ona *fa* nekuna ni—ni “Musali Fa Siliba,” ni, “Daniele Mwa Musima wa Litau.” Oh, mawi! Lika zeñata li ezahalile kale kuzwa nako yani.

<sup>2</sup> Bukaufi ni faifi kiloko musihali woo Ni amuezi pizo ya sipundumukela ye zwa kwahule mwendi ka limaili zemashumi amalalu, mashumi amane mwa matakanyani kwanu, ka musali yomunde yali bukaufi ni kushwa, mi ki mulikani yomunde luli, mahe Georgie Carter. Mi Na ziba kuli nekuna ni bakutazi babañata mo bene ba swalelezi kufitela ha Ni yo kuta. Edith ubile maswe hahulu, niyena. Mi hane luli kwani, Mulena Mulimu a ataha mwa sibaka, mi Kezeli Carter u kwahule hahulu ni kushwa. Kacwalo, kacwalo lu itumezi ka seo.

<sup>3</sup> Mi cwale seli nako ya sebelezo ya mulalelo cwanoñu nyana fa, Ni sepa mwendi ki twelufu kiloko haba ka ba ni yona. Ki nako mañi ye muketile ya kuifa? [Muzwale Neville uli, “Nako kaufela, kukala cwale ka nako ifi kaufela kufitela ka ilebene seti.”—Mu.] Ka nako kaufela yeo luna . . . Ki ba bakai baba lukela kuca mulalelo busihu boo, halu boneñi mazoho a mina. Zeo kikuli, oh, zeo ki zende. Ku lukile, Ni bata kubulela fela linzwi kamba amabeli. Mwendi Ni ka beya waci yaka fa mizuzu ye lishumi, ye fifitini, luka kala mulalelo. Cwale, kana mwa Mu lata? [Kopano ili, “Amen.”—Mu.] Amen. Mi Ni ziba kuli mubile ni nako yende, nji cwani?

<sup>4</sup> Kihande, haiba haayo Muzwale Thomas Kidd, ni Kezeli Kidd, kuzwelela koo kwa Ohio. Ni sepa kuli ba tile. Oh, kinto yende, Na sepa li fa tepu mi Ni ka iinga. Mwa ziba, ha ba katali. Ki mazazi fela a likani baka fita fa mwanda, kono—kono seo kona se si ni beya mwa ciseho, ki kubona sicaba sina cwalo. Munahane, Ni mutu ya hulile, mi Ni si ka pepwa kale ne ba kutaza Evangeli. Mi cwale ki na yo fa se Nili muuna muhulu, mi ha ba sa koni kuzwela kwande ni kutumusa manzwi a bona, ba beyanga fela tepu ni baya sipatela ni sipatela, ndu ni ndu, inge ba kutaza Evangeli. Zeo ki zende luli. Amen. Ni tabile hahulu ka

bona ni ku bani kaufela baba kulubela mwa kuba mwa lisebelezo ze kwanu.

<sup>5</sup> Cwale, muhupule, lu ka li zibahaza cwale, haiba Mulena alata, ona fani fela keleke imano lukuluha, fo ba bulela kuli ikaba la teni Yowa, kupalañi, lukaba teni, haiba Mulena alata, lu bata kunga mwendi mazazi a eiti kamba lishumi, kamba mwendi lisunda zepeli, fa *Maswayo Asupa* ani a Sinulo. Mi lu ka fa makadi kwa sicaba se si pota kuzwa kwa libaka zafakaufi, kuzwa kwa lapa kwanu, mi ha ba zibe nako yeñata ya kwa pili kuli ha ba ni muhupulo wa kutaha, kihande, lu ka taba luli kuba ni mina mo. Mi mwendi Mulena uka lufa ponahazo yeñwi ya Kubateni kwa Hae sina mwa Na ezelize ka nako ya mafelelezo ha ne lu felize *Masika A Likeleke Zesupa*.

<sup>6</sup> Haiba mubata ku lapelela mutu, kupalañi, mu hupule na ka nako kaufela, kakuli Ni alimuñwi ya li tokwa luli. Cwale, Ni i kutwa maswabi luli, ka kunga mizuzu ye lishumi ye fifitini fa, kubulela nto yeñwi lu si ka kalisa kale, kono ha lu inamiseñi litho zaluna fa nako nyana.

<sup>7</sup> Mulena Jesu, oh, ndwa ika fela zazi leliñwi, mi hakuna ku yo ba bakuli baba ka yo lapelelwa, mi hakuna yo ba baezalibi babaka yo baka. Kono, Ndate, lizazi le ha lili mo liinezi cwana, lu zamaye ha lu sa na ni liseli la kuzamay kulona, kakuli nako ya taha fo kusina mutu ya ka sebeza. Cwale, fa mizuzu nyana fela, Mulena, Ni ka ikutwa bumawe ha Ni sa ezi cwalo, Ha Ni ka kwala mwaha wo kusina kubulela manzwi alikani. Ni tuse, Ndate, Na lapela, kuli Ni kone kubulela nto ye ka cala ciseho mwa pilu ya sicaba sa Hao, kuli lukone kuzwa mo busihu boo kasamulaho wa kuca mulalelo, mi lu lemaha kuli mwa mulalelo kuna ni mata. Isilaele na cile mulalelo pili mwani mwa Egepita, mi ba zamaya myaha ye mashumi amane kusina kuli makatulo a bona a shwe kamba liapalo zabona li comauhe bwanda. Mi, kuzwa mwahala batu baba eza tu milioni, nekusina ya fokola mwahala bona ha ba ba zwa mwa lihalaupa. Mulena, ha lu hupule cwalo busihu bwa kacenu hanze lu atumela hola tuna ye. Ka Libizo la Jesu lwa lapela. Amen.

<sup>8</sup> Haiba Ni lukela kubulela taba ye Ni ñozi fa yene Ni ka kalisa musihali wo, ne lukaba mo ka faifi kiloko kakusasana. [Yomuñwi uli, “Zeo likaba hande.”—Mu.] Kono Ni bata kubala fela Linzwi kuzwa . . . [“Zeo likaba hande.”] Ni itumezi. Kuzwa mwa Maefese, kauhanyo ya 6, timana ya 12, mi fa nako nyana fela cwale, ka bundume.

*Kakuli halu lwani ka nama ni mali, kono ni milonga, ni mibuso, ni . . . malena . . . a lififi a lifasi le, ni mioya ye lunya yeli mwa libaka za mahalimu.*

<sup>9</sup> “Mioya ye lunya mwa mabaka a mwa lihalimu.” Mi Ni tabela kuzwisa ona foo ngambolo ya mizuzu ye lishumi kamba ye fifitini, oamba tuto, nitaluse, mo Ni bata kuibizeza kuli:

*Kangisano.* Kangisano ki tatubo ya mata. Mi luna, fo luna ni . . . tatubo ya mata. Ne lu banga ni . . . Ma Indian ne ba tukisanga mulilo, mi ne ba beyanga babañata hahulu kwa neku leliñwi *le* la muhala, ni babañata kwa neku leliñwi *le*, mi ni—ni kangisano ya kuhohana, kangisano ya mata, ba ka hohela baba luza mwa mulilo. Mi cwale luziba kuli kuna ni lika zeñata, mi lu ka toma taba ye fa mizuzu yelikani, ku za—za kangisano, kono Ni bata ku ambola ka mizuzu ye kapili fa taba yetuna hahulu ku zeliteni, zeo kikuli, mwahala Keleke ni Satani. Mata amatuna ani a Satani. Mi lubata kuambola ka mata a matuna a Mulimu mwa Keleke ya Hae.

<sup>10</sup> Cwale, yona kangisano tuna ye ibile izamaya hala lilimo zeñata. Ne i kalezi mwa Lihalimu, mi Satani a lelekelwa kwande mwa lifasi, mi cwale aba sila kwa sicaba sa Mulimu. Mi, kuzwelela ona fani, u itusisize mata a hae kaufela ni mubelekelo wa hae kulika kuhohela sicaba sa Mulimu mwa mulilo, kamba, mwa mililo ya hae.

<sup>11</sup> Mi lu ziba Yana ni mata hahulu, ki Mulimu. Mi Mulimu, ha Na file sicaba sa Hae Sika sesinde luli sa Na kona ku lwanisa Satani ka sona, neli Linzwi la Hae. Cwale, kakuli Linzwi ki Mulimu, mi kimañi ya tiile kufita Mulimu? Kacwalo, Linzwi ki Mulimu, mi Linzwi li ba mata a luna. Mulimu mwa Keleke, aba Mata a ka hohela Satani mwa mililo ya hae ya tukisize. Mi ni kangisano i zwelapili cwalo. Cwale, Jesu naize, mwa Mareka 16, “Ka Libizo la Ka ba ka leleka mioya ye maswe.”

<sup>12</sup> Cwale, Ni ziba kuli yeo ki pulelo ya kale yeo batu, kamba kuna ni pulelo ya kale yebulela kuli . . . mi ha ki ya kale hahulu, mane. Batu ha ba lumeli mwa madimona ka lizazi le. Kono taba ya kueza, kuya ka munahano waka, ki kuziba sila sa hao. Mi—mi uzibe sila sa hao, ni kuituta kangisano yo ka ba ni yona ha u ta mu kayanyeza, kakuli u ka kopana ni yena. Ni ku mu ziba, kuziba za hae . . . kuziba mata a hae seo ali sona, mi ni kuituta za kangisano yeo ha u ta mu katanyeza. Kakuli ki nto ya niti luli, u ka kopana ni yena, mi kacwalo itute za kangisano.

<sup>13</sup> Cwale, ku ituta za ndwa kuswana fela sina mulwani wa liñindi. Sila sa—sa hae sa ka yo kopana ni sona kwani mwa kangisano, mwa ndwa, mulwani yomunde kamita uziba hande sila sa hae. U itutile kubika kwa hae, u ziba za lwanela, kamba utiyelanga kwapata, u bukiti kwa mulaho, ulwananga ka lizoho la bulyo kamba ka kwa nzohoto. Uka bala zeo kaufela. Mi cwale haiba ki mulwani yomunde, ya butali, ukaba ni mulikani fakaufi yakona kulwana sina ya ka to lwana ni yena, kakuli uka ziba muposezo wa liñindi za hae kaufela nako ya taha mwa sibaka.

<sup>14</sup> Mi Ni sepa kuli yeo ki nto yende luli kuli Bakreste baezange. Yeo ki niti. Mi cwale haiba mubata kukala kuituta, lukale ka Joani 3:16, ili Mulao o Tiile. Ukale ka yona yeo, mi zeo li ka kutisa mwa sibaka sateni. Mi ni kuituta mwa—mwa ku poseza liñindi, kakuli ukaba ni kuitusisa zona. Mañi ni mañi wa ziba cwalo. Una

ni kuituta kuswala mwa kunatela sa hao. Mi kamita, Mulimu u itusisanga Linzwi la Hae. Lu swanela kuhupula kuli Mulimu u itusisanga Linzwi la Hae kukoma sila sa Hae. Kambe Mulimu na ka nahana kamba na ka fa sicaba sa Hae sika kaufela sa kukoma sila ka sona, Na ka eza cwalo. Kacwalo sina ha Ni bulelanga kamita, “Mulimu ha ba ni keto, ki yona yende ku zeliteni kaufela. Ha lukeli ku cinca keto ya Hae.” Kacwalo buiketelo bwa pili boo Mulimu nafile sicaba sa Hae mwa simu ya Edeni, ka ku lwanisa sila, neli Linzwi la Hae. Ne ba tiisizwe ka Linzwi la Hae.

<sup>15</sup> Mi cwale sila uka ituta ka . . . nzila ya luna ni Linzwi. Mi, cwale, Satani na itutile zeo hande kaswanelo kufitela, nako ya taha ku Eva, nana ni—ni mutalimelo omunde wa na ka itusisa ku musali, mi wani neli kunahanisisa fa Linzwi. Cwale, ha mu lukeli ku banga ni mihupulo ka Linzwi la Mulimu. Mu Li lumelange fela. Musike mwa lika ku Li tatulula. Musike mwalika ku nahanisisa ka Lona. Cwale, haukoni ku nahanisisa Mulimu, kacwalo Mulimu ki Linzwi, mi Lona li swanela fela ku kulumwelwa. Mi ani kona Mata a luna, ki kuamuhela fela Linzwi. Mi mutu kaufela wa ziba kuli peu mwa mubu o munde ika tahisa za mufuta wa yona. Mi lunga fela Linzwi.

<sup>16</sup> Mi, cwale, Eva na kalile kuyema ni ku kakanya, fani hana . . . a mu taluseza Linzwi, ali, “Mulimu naize, ‘Ha mu lukeli kuca ku yona, kakuli zazi le mu ka ca kuyona’ lona lizazi leo luka shwa.”

<sup>17</sup> Mi Satani na si ka kananisana ni yena. Ki hali, “Kiniti, yeo ki niti.” Kono yena ali, “Wa bona, mu tokwa Liseli le linca.” Sesiñwi se si shutana nyana ku sa na bulezi Mulimu. “Mi haiba ueza cwalo, ukaba fela ya talifile nyana. Meeto a hao aka tona.”

Kono yena ali, “Kihande, Mulimu ubulezi kuli lu ka shwa.”

<sup>18</sup> Ki hali, “Oh, luli . . .” Mwabona, utwa zo bulela, ona zeo fela, “Kauke kwani kaniti hamuna kushwa.” Kono Mulimu naize mu ka shwa, mi ao kona mafelelezo! Mi sani—sani sa tisa ndwa tuna yani, ni kuhohela lusika lwa batu kamukana mwa lifu, kakuli Eva na teelelize kwa kukakanya kushutana ni Linzwi la Mulimu. Cwale, ki maswabisa kuli na ezize cwalo, kono se li felile. Kono cwale lu sa tiisizwe, mi tamahano yani ne iezizwe ku Krete Jesu. Lwa ziba cwalo. Mulimu u lufile silelezo yende ni kufita, mi yeo ki kusepa fela Linzwi la Hae.

<sup>19</sup> Mwa ziba, mi babañata ba bulela kacenu kuli hakuna sika sa kuli diabulosi. Ba lumela kuli ki muhupulo fela. Ba lumela cwalo. Mi kuna ni batu baba lumela kuli—kuli—kuli Moya o Kenile kuti ki muhupulo omunde, mi bali diabulosi ki muhupulo o maswe. Kono haiba mu lemuha, Bibehe ha i bulela ka Moya o Kenile, Na ize, “Mi Yena Moya o Kenile ha sa tile.” Mi “Yena” ki tulokandina twa mutu. Mwabona? Kacwalo, Yena, Yena ki Mutu. Mi diabulosi ki mutu. Mi madimona ki batu. Eeni, ki madimona, mi a—a taha ka linzila zeñata. Kono ba nahana kuli ki mulelo wa kale.

<sup>20</sup> Muuna cwana nasweli ku ni kananisa kwanu lisunda nyana zefitile. Ki hali, “Wa ziba so ezanga? U beyanga fela mwa minahano ya batu bani kuli ba nahane nto yeñwi ha u ba bulelela nto yeo. Ki cincheo fela ya muhupulo.”

<sup>21</sup> Ne ni katani nto yeswana yeo kwa India nako yeñwi, fani baana baba kenile bani kwani ko ne luna ni, Ni lumela kuli neli sikwata se situna ku be Ni kile na ambola nibona fateni, mwa sikwata se si yemi hamoho, neli licika la milioni la batu, mi Na lemuhu ka temuho mwa Moya. Mi ne ba bona Moya o Kenile u biza sicaba, ni ku ba punda, kuzwa mwa sicaba, ni kubulela lika ze shutana, ni kuswala mihupulo ya bona. Ma Raja ni baana baba kenile, se bali, “U sweli kubala mihupulo ya bona.”

<sup>22</sup> Kacwalo linako zelikani, mwendi ba faifi kamba sikisi ne ba fitile mwa mukoloko wa tapelo, mi ni muuna wa sibofu ataha niyena. Mi nali sibofu luli, mi meto a hae neli ama sweu twaa sina hembe yaka. Mi se Nili, “Cwale ki yo fa muuna wa sibofu, mutu kaufela ubona kuli ki sibofu.” Mi se Nili, “Kambe ne Ni kona ku mu tusa ne Ni ka eza cwalo, kono nzila fela ye Ni kona kueza ki ka mpo, mwendi kubulela sika sa ezize; mi seo si ka fa muhupulo haiba Mulimu wa ziba sa ezize, Yena luli na ka ziba sa ka eza.” Kacwalo se Nili, “Cwale, ku mu mutalima,” Se nili, “cwale, ki mulapeli wa lizazi. U bile sibofu myaha ye mashumi amabeli.” Mi, mutoloki ha na bulezi, neli ona cwalo. Se nili, “Ki muuna ya nyezi. Yena . . . musala hae ki yo musisani fa, mi una ni bana bababeli ba bashimani, alimuñwi ki wa myaha ye sebene, alimumu ye naini.” Yani neli niti luli. Na biza mabizo a bona, mo ne ainezi.

<sup>23</sup> Mi kwande mwahala sicaba, mwa sibaka kone kuna ni batu, kwa utwahala manzwi ali, “Ki minahano, ki lika za ikupulela ka—ka kubala minahano ya ngana.”

<sup>24</sup> Mi se Ni hupula kuli, “Mulena, kambe U ni tusa fela. Ni—Ni tokwa tuso ya Hao, Mulena. Sicaba se si lika kubulela kuli ye ki minahano fela. Mi ha ki cwalo, Wa ziba cwalo, Mulena.” Ibo, Ni ba file Liñolo la na bulezi Jesu kuli hakuna sa Na eza konji Ndate ana Mu bonisa. Mi he, ha ni talima muuna yani hape, Na mu bona fela fahalimu fani mwa pono, ni meto fela amande sina mo Ni bezi. Na hupula kuli, “Cwale ki nako.”

<sup>25</sup> Se nili, “Muuna yo ki mulapeli wa lizazi, cwale, mi u bile sibofu.” Mi se Nili, “Cwale, ki . . . Ki bani baprisita ba Mohammed, ni kuna ni—ni baprisita ba Sikh, bo Jains, ni mifuta yeshutana ya bulapeli, Buddha. Cwale muuna yo ubata ku amuhela meeto a hae. Cwale, ne mu ka bulela kuli na—na lapela pupo kufita kulapela Mubupi. Na lumela cwalo, nina. Kono ki luna ba mo busihu boo.” Na li, “Mi lu bile . . . kacenu Ne ni katulusizwe mwa tempele ya ma Jains mo ne kuna ni bulapeli bobushutana lishumi ni zesupile naliteni kuli ba ni buzake lipuzo, mi ufi ni ufi wa bona na lwanisa Kreste, mañi ni mañi!” Mi se Nili, “Cwale, mi buñata bwa mina baana nemuliteni kwani.

Cwale, haiba Kreste u maswe hahulu, konakuli mutu yo ubata kuba ya lukile, mi kaniti Mulimu wa pupo Yana ezize lifasi ikaba yena fela Anosi ya kona ku mufa meeto a hae. Zeo za utwahala.” Mi se Nili, “Cwale, haiba yomuñwi wa mina sicaba, ba Mohammedan mo kona bulapeli bo butuna, haiba muprisita wa Mohammedan uka taha fa ku to mufa meeto a hae, kona kuli Ni ka latelela Mohammedan, kamba haiba muprisita wa Buddha uka taha ku to mu fa meeto. Kono atuhele kuli Mulimu Yana mu bupile, yena Mulimu, Mulimu wa mutu kusili, kakuli una ni kuba teni, halukoni kuba ni pupo kusina Mubupi. Mi si ka lwala Mubupi kuli kubupiwe meto abona mwa meto aa. Nabile sibofu myaha ye mashumi amabeli ka kutalima fa lizazi, ka ku nahana kuli na kaya kwa Lihalimu ha na ka eza cwalo. Muuna yoo neli ka kusa ziba ha na eza cwalo.” Se nili, “Ki sikamañi sene mu ka eza mina baprista ba Buddha? Ne mu ka cinca fela nzila ya kunahana kwa hae. Ne muka bulela kuli u fosize.” Ba lapela bashemi babona baba shwile. Mi se Nili, “Cwale, mu ka nahana kuli u cwalo, ne mu ka bulela kuli na fosize, kono ki sikamañi se ne mu ka eza? Ne muka cinca mukwa wa munahano wa hae.” Mi se Nili, “Ki sikamañi sene ba ka eza ba Mohammedan? Kucinca nzila ya kunahana kwa hae. Ma Sikh, ba Jains, ni babañwi cwalo, ba cinca mukwa wa kunahana kwa bona.”

<sup>26</sup> Se nili, “Luna ni nto yeswana mwa United States. Ba Methodist kaufela ba bata kueza kuli ba Baptist babe ba Methodist, ni Mapentekota ba bata kunga ba Methodist kaufela kuli ba be Mapentekota. Ki cinceho ya muhupulo. Kono zeo ha ki zona ze lubulela. Lu bulela ka za Mulimu, yena Mubupi.” Mi se Nili, “Kaniti Mubupi uka bulela.” Mi, cwale, ne Ni sike na bulela cwalo kambe pono yani neisiyo teñi fani, kube cwani kamba cwani. Cwale se Nili, “Cwale, haiba Yena, ha lu Mu lumeleze abe Mulimu, atahe ato mufa meeto a hae.” Mi se Nili, “Cwale Ni swabisa muprisita kamba yena Raja, kamba muuna ya kenile kamba abe ya cwani kaufela, atahe ato mufa meto a hae, mi Ni ka latelela lituto zamina, foo kipeto mu ni fetuzi.” Mi sani neli sikwata se si kuzize hahulu ku be Ni kile na utwa fateni. Mwabona? Hakuna yana ezize cwalo.

<sup>27</sup> Mi se Nili, “Kiñi se mu kuzelize hahulu cwalo?” Se nili, “Libaka le mu kuzelize, kakuli hamukoni kueza cwalo, mi nina ha Ni koni. Kono haili Mulimu wa Lihalimu Yana zusize Mwana Hae Jesu Kreste, Yo luli batangaba hae, u ni bonisize fela pono kuli muuna yo uka amuhela meeto a hae.” Mwabona? Se nili, “Cwale, haiba zeo ha li bi cwalo, kona kuli mwakona ku ni leleka mwa India. Kono haiba ku ba cwalo, mañi ni mañi wa mina u kolotezi bupilo bwa hao ku Jesu Kreste. Ni tabela ku mi buza cwana, ki babakai mwahali mo baba kafa bupilo bwa mina ku Kreste haiba mutu wa sibofu yo a amuhela meeto a hae? Mwabona baprisita ba mina, hakuna ya tile kwanu. Kiñi ha ba sa tahi, haiba ba ku bulelezi bulapeli bwa bona kuli ki bobutuna

hahulu ni mata? Kiñi hakusina ya taha abulelele sika?” Hakuna taha. Se nili, “Konakuli mina sicaba kwande kafo, haiba mubona muuna wa sibofu yo ya yemi fa . . .”

<sup>28</sup> Mi se kutaha mualafi ku to tatuba meto a hae. A nyunga toho, ali, “Ki sibofu.”

<sup>29</sup> Mi kacwalo se Nili, “Kaniti, ki sibofu.” Kono se Nili, “Haiba . . . Mi haiba Mulimu a mufa meeto a hae, ki babakai ba mina baba ka sebeleza Jesu Krete?” Mi kuya fela ka mo ne Ni bonela, liwate la mazoho amansu. Na sikuluhela ku muuna, mi nali, “Mulena Jesu, taba ye i zibahale kuli ki Wena Mulimu.” Muuna yani ani swala mwa mulala, mi fani nekuinzi mubusisi wa Bombay ali kuina fani, a muswala mwa mulala, a tona inge kaufela mo ne ba bonela.

<sup>30</sup> Ki sikamañi seo? Ki—ki mata luli! Mulimu ki Mulimu, mi Satani ki Satani! Haiba ha u lumeli ku diabulosi . . . Hane Ni kalile sapili, Na—Na mu katananga zazi ni zazi. Musike mwa ni bulelela kuli hakuna diabulosi, kakuli Na ziba hande. Ni na ni kulwana ni yena zazi ni zazi. Kacwalo Ni ziba kuli kuna—kuna ni diabulosi. Mi u swanela kulutiwa ha u mu katana. Isiñi kulutiwa kuza ngana ya butu, isiñi kulutiwa mwa lituto; kono kulutiwa ka Moya o Kenile; Mata a Mulimu mwa Linzwi la Hae kuli a A bonahalise. Ziba sila sa hao. Oh, ha ki nto kwa lunya seo ali sona!

<sup>31</sup> Mo Ni batela kuyemela fa cwale ni ku yendama foo, kukuta mwa Bibeke ku mi bonisa muuna kwa mulaho kwani muuna ya na tile pata ni pata. Ka mo mwa kangisano ni sila, ba i sileleza ilibona ka Linzwi la Mulimu. Nuwe nana ni kutwisiso ya zona, mi a ziba kuli Mulimu na mu bulelezi kuli ika nela. Mi kangisano neili mwahala sayansi ni Linzwi la Mulimu: Sayansi ili, “Halikoni kuezahala.” Mulimu ali, “Li ka ezahala.” Amen.

<sup>32</sup> Yona taba yeswana yeo ya ezahala ni kacenu. I kana i ezahala! Ya ezahala! Mioya yemaswe itezi! Kono Jesu na i lelekile, mi Afa Keleke mata a Hae a kueza cwalo, “Mu leleke mioya ka Libizo la Ka!” Na lelekile mioya ye supile kuzwa ku musali alimuñwi yomunde zazi leliñwi. Mi ki Hali, “Moya o masila ha u zwile ku mutu, u zamaya mwa libaka ze omile, ni kukuta hape, utaha ni mioya yeñwi ye sebene.” Cwale, seo sibonisa kuli haiba mutu na kenisizwe kwa mioya, nekuna ni sene sili ku yena se si zwile. Diabulosi na zwile! Cwale, fani diabulosi ha natilo zwa, Mulimu yani. . . sifa Mulimu kolo ya kukena mwatani. Kacwalo, mi ha ya zwa cwalo, u lumeleza Moya o Kenile kutaha mwatani. Musike mwa li siyela fela foo. Haiba u bakela fela libi za hao ni kuzwelapili, konakuli ukaba ya totobela hahulu kufita sapili. Kono ufite fa sibaka fa na pilanga Satani ni kuina, ubeye mwatani Moya o Kenile wa Mulimu kutale, mi kipeto ukaba ni mata a Linzwi la Mulimu ku wena, aka bonahala, ni kuleleka mioya ye maswe. Kangisano

ya kolota. Maseli a manzubwana asweli abenya. Moya o Kenile wa Mulimu uteni.

<sup>33</sup> Mi cwale seli fela—mwendi mizuzu yemilalu kufitela nako yeo lipindo ha li ka liziwa, mi ikaba mwahala busihu. Konakuli halunze luzwa mwa muyaho wo, kuya kwa libaka za luna ze shutana ni malapa a luna, ni ku yo kopana fande, ni ku katanyeza lifasi, lusike lwa ya sina mo lu bezi mwa linako za kale. Lu yeñi mwa mata a zuho ya Hae. Ha lu yeñi ka Libizo la Jesu Kreste, ni ndembela inanulezwi mwahalimu, mi ni tumelo mwa Linzwi la Hae, kuli luswale Mukwale o lozizwe kafa ni kafa, ni tebe ni lilwaniso kaufela za Mulimu, ku yo katanyeza sila, kakuli yena uba ya tiile mi uekeza kutiya zazi ni zazi. Mi sina—sina sila hataha cwalo sina muunda, Moya wa Mulimu u ka nanula mayemo a ku mu lwanisa. Haiba lutile kwa mafelelezo a lika ze zona . . . ni likunutu za Mulimu ha se lifelizwe ku luna, lu libelezi mata amatuna, mata a ku luisa mwa kuungelwa, kuli lu kopane . . . ni mata a maswe, aka nanula Keleke ni ku i isa mwa Kanya. Lu swanela kuba ni ona. Halu keneñi mwa '63 ka musindo, sina, kuba batanga ba Mulimu yapila! Mi sina Shadireki, Misheki ni Abedinego ba kale, haluna ku kubamela madimona a lifasi lee ni kulwala lika ze lubulezi fateni ze, kono ha lu ikatazeñi mwa ndwa.

<sup>34</sup> Ni ikutwa kuli busihu boo, halunze luteeleza lipindo zani, nto ya na ezize Davida mwa busihu bobu cisa bwani ha na lobezi fande kwani mwatasa macacani a malubeni, mi sila nasweli ku popota. Ha ki hola ni yeo mo ne ibezi ku Davida! Ne li nako yecwani ha na lobezi fani! Na sa zibi mwa kuzamaela, na sa zibi kwa kuya, kakuli na ziba kuli nana ni batu ba sikai fela. Kono, hañwi fela, autwa lilata la Moya li utwahala fahalimwa macacani. Na ziba kuli Mulimu na mu zamaya kwapili, mi aya kwa ndwa. Ni ikutwa nto yeñwi ye cwalo busihu boo, kasamulaho wa Liñusa la maabani busihu, Ni lobezi mwa hola ye unsufezi hahulu ku ze Ni kile na katana fateni mwa bupilo bwaka. Ni ikutwa inge Isaya mwa tempele kasamulaho wa kubona mangeloi ani, Ni mutu wa milomo ye masila, mi ni pila mwahala sicaba sa milomo ye masila. Kono muteeleze, Ni—Nina . . . Ni lukela ku yo li katana ka mayemo amañwi, mi, kwa taba inosi fela, Ni libelezi kuutwa kuakufa mwa macacani a malubeni ani, ku yo katanyeza sila kaufela ko siinzi. Mulimu lu tuse kuli lueze cwalo.

<sup>35</sup> Mi cwale Ni sepa kuli ki muzuzu ulimuñwi kuli ibe twelufu kiloko. Mi '62 ni kaufela za yona za kale, ha lu libeyeni kwa mulaho.

<sup>36</sup> Halu yemeñi cwale, mañi ni mañi wa luna. Kangosano ikalile. Mañi ni mañi wa mina . . . Paulusi naize, “Kulibala lika ze kwa mulaho,” mafosisa a luna kaufela a silimo se sifelile, “Ni itiisa kuya kwa pizo yepahami.” Mafosisa aka kaufela o Ni ezize mwahala lilimo ze kaufela, ni swalele ka zona. Mulimu, ni



swalele. Keleke, muni swalele. Mi bulumiwa bo Ni—Ni foselize, Ni ikutwa; Mulimu, ani swalele ka zona. Keleke, muni swalele kwa mafosisa aka. Mi Ni ka ikataza kuya kwa sibaka sa pizo yepahami ku Kreste Jesu. Kaufela se si iputezi ku la kamuso, ha Ni zibi, kono Na ziba Ya sweli 1963.

<sup>37</sup> Halu nanuleñi mazoho aluna ku Mulimu cwale mi lu lapeleñi ka nzila ya luna, halunze lu ipulela bumaswe bwa luna, ni ku kupa Mulimu kuli alu tuse mwa mwaha o tatama wo.

<sup>38</sup> Ndate yakwa Lihalimu, halunze lu yemi mo, sina mihupulo yemiñata haiya ishwa mwa lipilu zaluna, ni mafosisa a silimo sa ñohola, mi halunze lu atumela lifu la '62 ni kupepwa kwa '63, O Mulimu, lu pahame ka muhato ulimuñwi fa manela, kufitela lu bona Jesu ni tukiso ya Hae. Mi mañi ni mañi mo, Mulena, mwa tapelo, mwaha wa kale ha u nzo shwa, ni kupepwa sinca kwa silimo sesinca kwa taha mwateni, nili cwale sibi sa mutu wa kale ni ku sa lumela lishwe mwa lipilu za luna, mi Kupepwa ko kunca kutahe mwateni ni 1963, inge Moya o mata ofuka oka taza butu bwa luna ni ku lueza kuba libupiwa zenca ku Kreste.

<sup>39</sup> Ku lueza batanga baba swanela. U lu swalele ku za kale zaluna. Fuyola bukamusu bwa luna. Lu etelele, O Mulena Mulimu, ka lizoho la Hao leli mata, Jehova. Fuyola bakutazi ba kwanu. Fuyola keleke kaufela, baenyi kaufela. Ube ni luna, Mulena. Lu batanga ba Hao mi luipa kakutala ku Wena ka 1963, kuli mata a Moya wa Hao abe ni puso yetuna mwa bupilo bwa luna ni mwa butu bwa luna. Lu tuse, Mulimu. Lu swalele mi lu tuse, lwa lapela. Zusa baana babatuna! Zusa lindwalume zetuna za Tumelo! Kwalula mwaha wo, Mulena, ona Maana ye patilwe yani, lona Licwe lani mwatasa licwe, kuli lukone kubona tukiso ya Mulimu. Kuhulula macwe a piramidi ya bupilo bwa luna, Mulena; beya fateni Licwe la ku kwahela, Kreste Jesu, fahalimwa mañi ni mañi wa luna. Mi cwale butuna bwa Hae, limbuyoti ze kenile libe fahalimwa luna kaufela. Mi mulilo wa Moya o Kenile utahe ku luna. Mi mata a zuho abonahale. Mulimu, mo lu itumela ku Wena, busihu boo. Lu ba Hao. Lwa ipa ili luna ka kutala ku Wena, Mulena.

<sup>40</sup> Hanze Ni ya kwabuse, ni sa zibi kuli ki kai kamba ki cwani, kamba se Ni kaeza, Na Ku sepa, Mulimu Yamata kaufela, kuli U ni zamaise, na nili mutanga Hao ya si na tuso, kuli Ni itusiswe kwa likute ni kanya ya Yamata kaufela. Lumeleza cwalo, Ndate.

<sup>41</sup> Amuhela litapelo za luna. Fuyola kuikataza kwa luna. Folisa bakuli ni baba imezwi, sibeli sa za moya ni ka butu. Mi ulu eze batanga ba Hao. Luna lu lizupa, Wena u Mubupi. Lu bupe, mañi ni mañi, ka nzila ya Hao Tota, kuli lukone ku lumelelana hamoho ni Kreste Jesu, kakuba membala wa Mubili wa Hae. Kakuli lu kupa ka Libizo la Jesu, ni kabakala Hae ni bakeñisa Evangeli. Amen ni amen.

[Muzwale ubulela ka lulimi lusili. Muzwale yomuñwi wa toloka—Mu.]

<sup>42</sup> Ni Itumezi, Mulimu Ndate. Lwa itumela ku Wena ka susuezo ya Mwaha Omunca ye yelu luma ka sepo mi ni ka mbombolelwa ya kuziba kuli ka kubulela kwa manzwi a azwa ki baana bene ba sa zibi sesiñwi, kuli Liñusa ki la niti, mi U lu kupa kuli luyeme ka Lona. Luka eza kaufela ze lu ziba mwa ku ezeza, Mulena, kuli lu yeme ka Wena ni Linzwi la Hao.

<sup>43</sup> Lu amuhele ka Libizo la Hae Yana lu lutile kaufela kuli lu swanezi kulapela cwana, [Muzwale Branham ni kopano ba lapela hamoho—Mu.]: “Ndata luna Ya kwa Lihalimu, Libizo la Hao alibe leli kenile. Kutahe Mubuso wa hao. Se si latwa ki wena siezwe mwa lifasi, sina mo si ezezwa kwa Lihalimu. U lufe kacenu buhobe bwaluna. U luswalele milatu ya luna, sina mo lu swalelela baba lu foselize. Mi usike wa lu kenya mwa muliko, kono u lu lamulele ku ya maswe; kakuli Mubuso ki wa Hao, ni mata, ni kanya, kamita. Amen.”

<sup>44</sup> Mulena ami fuyole ni ku mi buluka. Kono bani cwale baba lukela kuya kwa mandu a bona. . . Cwale seli mizuzu ye ketalizoho kasamulaho, ki mizuzu yeketalizoho mwa '63. Cwale Mulimu ami fuyole. Mi—mi mina mubata kuina kulibelela mulalelo, mu amuhezwi fela mwakona kulibelela, lu ka tabela kuba ni mina. Ha ki mulalelo o kwalilwe, ki wa mulumeli kaufela yali mwa kutwano ni Krete. Mu amuhezwi kuli muine ni kuca mulalelo ni luna. Mi libaka le lu ezeza cwana ki kuli ye kona nto yapili, ha lu kalisa musipili. Mi Isilaele, ba si ka kalisa kale musipili wa bona, ne ba bulaile ngunyana ni kuca miloho ye baba, mi ba kala musipili wa bona. Mi Na hupula kuli, “Taba ye mo ibezi ye swanela ni busihu boo!” Ngunyana i bulailwe, I lukisizwe, ki mukiti, mi seli fahala busihu. Fani kona fo ne ba cezi mwa ziba, mwahala busihu. Kacwalo halu. Mina mubata kuina ni luna mi muitukiselize musipili o taha, o li kwapili, lu ka tabela kuba ni mina. Mulimu ami fuyole.

<sup>45</sup> Mi mina cwale baba swanela kuya, mwakona kuya kwa malapa a mina, mi Mulimu abe ni mina kufitela Ni mi bona hape. Amen. Mina babañwi mwakona kuina mi kipeto luka kala mulalelo. Kezeli uka. . . Ku lukile, sha.

Kufitela lu kopana! kufitela lu kopana!  
 Kufitela lu kopana kwa mautu a Jesu; (Kufitela  
 lu kopana!)  
 Kufitela lu kopana! kufitela lu kopana!  
 Mulimu abe ni mina kufitela lu kopana hape!

<sup>46</sup> Halu iopeleñi hape halunze lu libelela, mwa ziba, ku bani baba sweli kuya. Mwakona ku kutumana, mi cwale ye ki taba yebutokwa luli. Ni ka bala taba yeñwi mwa Mañolo mo fa nako nyana fela yeli yende, nde, nde luli. Mi cwale halu iopeleñi hape.

Kufitela lu kopana! Kufitela. . .

Halu itumeliseñi fela mwa mazoho ni mutu. Haiba kuna ni se si fosahalile mwa bupilo bwa hao, mutu yo uteni mo yo foselize, zamaya ku yena cwale mi mu utwane kondisa.

Kufitela lu kopana! kufitela lu kopana!  
Mulimu. . .

Kana mulizi wa piano wakona kutaha kwa piano, shangwe?

. . . ni mina kufitela lu kopana hape!

Kufitela lu. . .

<sup>47</sup> [Muzwale Neville uli, “Mulimu aku fuyole, Muzwale Branham.”—Mu.] Ni beya zeo kaufela mwa mazoho a hao, Muzwale Neville. [“Mulena aku fuyole. Na lumela. . . ? . . .”] . . . ? . . .

Kufitela lu kopana!  
Mulimu abe ni mina kufitela lu kopana hape!

Mulimu aku fuyole, muzwale.

Wa ku tokomela,  
Wa ku tokomela;  
Mwa lizazi kamba mwa muluti,  
Wa ku tokomela.

Halu i opeleñi hape.

Wa ku tokomela,  
Wa ku tokomela;  
Mwa lizazi kamba mwa muluti,  
Wa ku tokomela.

<sup>48</sup> Haki bunde nji? Ha lu i opeleñi hape habanze ba kutumana.

Yena . . .

Amuitime fela kwa meto.

. . . ku wena,  
Wa ku tokomela;  
Mwa lizazi kamba muluti,  
Wa ku tokomela.

<sup>49</sup> Ndate yakwa Lihalimu, lu tabile hahulu kuli lu fumani niti yeo, mwa lihola zaluna ze nsu hahulu kamba mwahala lizazi, Yena ha shimbulukangi nihaiba ku timbooka. Lu tabile hahulu ka se lunani, sepo yaluna ha i si ka toma fa sika sa mbango haisi fa mwa Mali a Jesu ni kuluka. Ha lu sepi, Mulena, mwa kabubo ka lifasi le. Lu sepa, ha lu isepeli kabubo ka kalembeshwa, kono lu itingile fa Libizo la Jesu. Mo lu itumela ku Wena, Ndate.

<sup>50</sup> Cwale lubata fela kuba ni siemba ku yeñwi ya—yeñwi ya litaelo za nama Zo lu siyezi. Iliñwi ya zona neli kolobezo, yeñwi neli mulalelo, mi yetatama neli kutapa kwa mautu. O Mulimu, lu kena fela ka likute, ka kuziba kuli Ngunyana ye kona Ngunyana ya paseka. Mu—mu musipili omutuna wa mwa lihalaupa no li

fela fapila bana. Mali pili ana ni kulambiwa fa musumo wa sikwalo, kale ngunyana ya sitabelo i si ka ciwa kale.

<sup>51</sup> Mulimu, tatuba lipilu zaluna cwale. Kana Mali ateni mwani, Mulena? Haiba ha ki cwalo, lu lapela kuli—kuli U a lambe ona fa, ku takula libi za luna ni ku li apesa, mi li ka lelekelwaa kwahule ni luna, Mulena, zona libi za lifasi le, kuli lukone kuba baba kenile ni baba kateleha ku Ndata luna halunze lutaha kwa kunga mu—mu mubili ni Mali a suluhile a Ngunyana, Mwana Mulimu, Mupulusi wa luna. Tatuba lipilu za luna halunze lubala, Ndate, mi u lueze ba Hao Tota. Kakuli lu kupa ka Libizo la Ngunyana, Jesu Kreste. Amen.

<sup>52</sup> Mwa Buka ya—ya Makorinte, kauhanyo yabu 11, Ni bata kubala litimana nyana, kukala ka timana ya 23 Ni bala cwana. Ki Paulusi ya bulela kwa keleke ya Makorinte.

*Kakuli Ni amuhezi ku Mulena se Ni mi file sona, Kikuli Mulena Jesu mwa busihu. . . bo abetekilwe na ngile buhobe:*

*Mi ha sa itumela, a bu komauna, mi ali, Mu mi nge, mu ce: se ki mubili waka, o lobehezwi mina: mueze se kuli mu ni hupule ka sona.*

*Kamukwa o cwalo habase ba lalezi anga ni sinwiso, mi ha se ba lalezi, anga ni sinwiso, kono ha sa lalezi. . .*

Mu ni swalele. Halubone ni ibale hape.

*Ka mukwa o swana hape anga sinwiso, mi ha se ba lalezi, ali, Sinwiso se ki bulikani bo bunca bwa mwa mali aka: mu eze seo kamita ka kuhupula, ha munwa mwatani, kuli mu ni hupule ka sona.*

*Mi cwale kamita ha mu ca kwa buhobe bo, mi munwela mwa sinwiso seo, ikaba mubulela lifu la Mulena mane a kute.*

*Kabakaleo mutu kaufela ya ca kwa buhobe bo, mi anwela mwa sinwiso sa Mulena se, ka mukwa o sa swaneli, ukaba ni mulatu wa mubili ni mali a Mulena.*

*Kacwalo mutu ni mutu aitekule kihona mi ace kwa buhobe bo, mi anwele mwa sinwino seo.*

*Kono ya ca mi anwa isi ka swanelo, u i cela mi u i nwela katulo, a sa lemuhi mubili wa Mulena.*

*Kabakaleo kuna ni babañata ku mina baba fokola ni baba kukula, . . . babañata ba se ba shwile.*

*Kabe lu ikatula ili luna, kabe ha lu sa atulwi.*

*Kono ha lu atulwa, lu kalimelwa ki Mulena, kuli lusike lwa atulwa ni lifasi.*

*Kabakaleo, bana bahesu, ha mu putehela ku ca, mu litelane.*

*Mi mutu ha lapile, a ce kwa hae; kuli kukopana kwa mina kusike kwa mi fumanisa katulo. Mi litaba zeñwi Ni ka li lukisa ha Ni fita.*

<sup>53</sup> Sina ha Ni nahana ka yona, nako yetata hahulu! Hape ku ñozwi kuli mulalelo wo ha no filwe nako yapili, ni kutapa kwa mautu. . . zeo lu ka li tula busihu boo, kakuli haluna mezi. Mezi kaufela a kwalilwe, mi mane nelusina neba tulimbaimba busihu cwana, kakuli ba li kopanyize fela ku hamoho mo ne ba konela, kuli lube ni sebelezo yee busihu boo. Kono lu ka eza sina mo ne ba ezelize, Ni lumela kuli ki Luka ya na bulezi kuli, “Ne ba opezi pina ni kufunduka.” Kono kana mwa ziba se li yemela lika ze? Kana mwa ziba, kwa simuluho, mulao wo ha u to fiwa pili mwa Isilaele, kwani kwa Egepita, nebali mwa musipili wa bona kuliba kwa naha ya sepiso. Mi cwalo kona mo luikutwela busihu boo, kuli lu mwa musipili kuya kwa Naha ya Sepiso. Mi musipili u kwapili a luna.

<sup>54</sup> Mi nebana ni zibahazo, kuli lingeloi la lifu ha li to taha, kuli ku lukela kuba mali fa sikwalo, kamba mwana yomuhulu wa mushimani kamba mweli na ka shwa mwa lapa. Muhupulo neli wa kuli, mi taluso yateñi neli kuli, pili kulamba mali. Kana mu lemuhile mo Paulusi ha li buelzi fa? “Haiba mutu aca isi ka swanelo, u icela ni ku inwela katulo, ha sa lemuhli mubili wa Mulena,” ili kotalusa nto yeswana, lona lifu, lifu la moya, li wela mutu yaka ca kwa mulalelo wa Mulena ka mukwa o sa swaneli. Zeo likona kuba kuli, kunwa macwala ni kufiteleza cwalo, ni kupila sina lifasi, kona ataha kwa silyela sa Mulena. Halu lukeli kueza cwalo. Cwale ha lu keniseñi lipilu za luna ni ku kenisa mazoho a luna kwa. . . ni mihupulo ya luna kuzwa kwa minahano ye maswe, kuli lukone kutaha kwa tafule ya Mulena, ka likute ni kukena, halunze luziba kuli lutamahani kwa Sitabelo, Krete Jesu, yali Yena puluso ya luna fela.

<sup>55</sup> Mi cwale, busihu boo, mo lu ezeza cwana, ki alimuñwi wa babahulu ya yemi fa, Muzwale Zabel. Mi Ni nahana, Muzwale Zabel, busihu bo, haiba u ka biza kukalela kwa katala pili, kuli sicaba se sizwe kwa katala mi mupange mukoloko wa mina wa pili fa, haiba muka eza cwalo. Cwale, Muzwale Zabel u ka mizamaisa, ki linako fela zelikani, lu sa eza beya limbuyoti faholimwa mulalelo.

<sup>56</sup> Ona sinkwa se si sina mumela se, si ezizwe ka Bakreste. Ki sinkwa se si si ka umelwa. Mi haiba mu ka lemuhli, ha mu beya mwahanu, si kokonyani, sa babeli. Si kokonyani ni kulobakeha, si lubilwe, ili kotalusa kuli mubili wa Mulena luna Jesu o lubilwe ni kunatiwa. Oh, neba ha Ni nata zateni mane, pilu yaka ibonahala kutula nyana! Ha Ni nahana kuli Na lubilwe ni ku holofala ni kutitikiwa, Mwana Mulimu yasina mulatu! Mwa ziba kana za Na ezelize cwalo? Kakuli Ne ni na ni mulatu. Mi a to ba na, nili muezalibi, kuli Na ka Sitabelo sa Hae nibe ya swana ni Yena, nili mwana Mulimu. Ha ki Sitabelo ni seo!

Halu inamiseni litho zaluna.

<sup>57</sup> Mulimu ya Kenile Kufitisisa, sina ha Ni sweli komoki ya sipi ye busihu cwana, sinkwa se se si yemela mubili o shapilwe, o natilwe, o holofezi, wa Mulena luna, fani mupolofita yani ha huwile kuli, “Na titikezwi bumaswe bwa luna, na holofalelizwe ki sibi saluna, koto ye lu fumani kozo ka yona iwezi Yena fahalimu, mi ha lu folisizwe ki ka miupa ya Hae.” Oh, mo lu hupulela seo, Mulena! Ha Ni ipeya kwa Sitabelo seo busihu boo, ni sona sicaba se ka mukwa wo, Mulena, kwa Sitabelo, ha lu hupule Mulena luna, lifu la Hae ni kushapwa kwa Hae, ni zeo kaufela Na fitile ku zona ka luna, halunze lu latela kankwa ka mwa milomo yaluna. Mulimu, lu sicaba se si sa swaneli. Ha lu swanelwi ki nto yekenile cwalo, kacwalo tuhela kukena kwa Hao, Mulena, Kubateni kwa Hao ni Mali a Hao, likenise lipilu za luna. Mi halunze lu si amuhela, lu itame mwa minahano ya luna ka tundamo ku Mu sebeleza musihali ni busihu, mazazi kaufela a bupilo bwa luna. Cwale kenisa sinkwa se kwa musebezi wa sona. Lwa kupa ka Libizo la Jesu. Amen.

<sup>58</sup> Mi Ni sweli se mwa mazoho aka, sina seti- . . . mwendi seli myaha ye seti-sili ya sebelezo ye Ni sebelelize Mulena ka, mi Ni ikutwa ku swaba. Kono Ni nahana kuli, ki sikamañi se Ni kona kueza kambe Ne ni kaba ni maloteli amabeli a Mali a Hae inge ni a sweli mwa lizoho laka busihu cwana? Kisikamañi sene Ni ka eza ni ona? Kono, mwa ziba, Ni a sweli mwa mazoho aka busihu boo, mwa meto a Hae, ki amatuna, ki teko ya Mali a Hae, Keleke ya Hae. Kacwalo ha Ni swala se, ni mulo wa magilepu aa, Ni nahana ona zeo. Naize, “Hanina kunwa hape kwa muselo wa kota ya veine kufitela ha Ni ka nwa sinca mwa Mubuso wa Ndate.” Mi mulemuhe kuli kasamulaho ndwa ya sibi ifela, taba yapili ye luezanga ha lu nata kwa neku leliñwi ki kunga mulalelo, mulalelo wa Mulena.

<sup>59</sup> Mi ha lu inamiseñi litho zaluna cwale halunze lu fuyola veine ye. Ndata luna yakwa Lihalimu, ha Ni nahana, hanze Ni sweli veine ye yemela Mali a Jesu, kuli mane ka Mali a buba ani libi zaka li swalezwi. Li beilwe mwa Nuka ya Kulibala, mi halisana ku hupulwa ni kamuta. Mi ka Mali aa, mushimani yana shwa zazi leliñwi na lobezi mwa sipatela kwani, mi Wena wa ni pilisa. O Mulimu, mo Ni itumela ku Wena, Mulena. Mi ni ku nifa taelo, ka Moya o Kenile, kuli ni zamaise sicaba kwa Kalvari ni ku si bonisa nzila ye liba kwa Hae. Ni itumezi, Ndate. Mi cwale kenisa waine ye kwa musebezi wa yona. Mi cwale mutu kaufela ya ka ca kwa sisansa se si kenile se busihu boo, a amuhele mata a moya ni a nama bakeñisa musipili o li fapili. Kakuli lu kupa ka Libizo la Jesu. Amen.

[Kopano i fiwa mulalelo. Hakuna manzwi fa tepu—Mu.]

<sup>60</sup> Ku yema fa ni kubona mabasi ha taha, mi cwalo kona mo kuka bela leliñwi la mazazi aa, lubasi ka lubasi, situlo ka situlo, sikwata ka sikwata, alimuñwi ka alimuñwi. Ha lu ta Mu

katanyeza, ki nako yecwani mo ikabela, foo bupilo bwa batu kaufela bo buli mwa lifasi, ya lumela ku Yena ni ku Mu sepa, uka yo kopana kwani ka Lizazi lani. Kana hakuna kuba hande? [Kopano ili, "Amen."—Mu.]

<sup>61</sup> Luna ni ku fitelela za kutapa kwa mautu busihu bwa kacenu bakeñisa mezi. Haluna libaka zeñata zeliteni cwale, mi li ka lukiswa cwanoñu fa, lwa sepa. Basweli kubeleka hande, mi ka kupatko luli fa tabernakele yenca. Ka manzwi amañwi Ni sepa kuli wo luli u swanela kuba mulalelo wapili wa silimo sina cwana, nako lizazi le.

<sup>62</sup> Cwale, mina baba zwa kwande a tolopo, mu koboce ka tokomelo kamuso hamunze muya kwa malapa. Mi Mulimu abe ni mina. Mi mina mo mwa naha ya mina, fa fakaufi, Mulimu abe ni mina mi ami tuse. Mi cwale, haiba Mulena alata, Ni lukela kufunduka mwa mukopano otatama o kabateni kwa Arizona, mi cwale haiba Mulimu wa lata, Ni ka kuta ni mina hape kwa *Maswayo A Supa*, mi sina fela mo Ni sepiselize. Ni lakaza litapelo za mina luli. Ni mi tokwa hahulu luli, kacwalo musike mwa libala ku ni lapelela kwateni. Mi lika kaufela li be hande ku mina. Mi luli Na itumela ka kubateni kwa mina ni mo mu teeleleze ze Ni bulezi mwa Evangeli. Ni lumela kuli lusweli kueza licinceho cwale. Mi Nina cwalo, Na itumela kwa sishemo sa mina.

<sup>63</sup> Mi buñata bwa mina ba zamaisa limaili ni limaili kutaha ku to teezeza mutu ya bunolo sina na ha lika kutisa Linzwi la Mulimu. Ni ziba kuli ibile nto yeñwi yefitelela foo kuli mutahe mu to teezeza bukaufi ni na, kakuli hakuna ze Ni kona kutahisa. Na ha ni si ka ituta, hanina butu bobu shutani, hakuna zeñwi ka na. Mi cwale ha Ni bona batu ba koboca limota ka limaili ze mianda anda, ni kuyema ni kulibelela mo, kuisa tu kiloko kakusasana, ne si ka bakeñisa not isili ye Ni nani. Ki Kreste. Ni tabile hahulu mwa Mu lata. Mi Na Mu lata, nina. Mi hamoho lwa Mu lata. Mi kakuli lwa Mu lata, haluna ku ka uhana. Lwakona ku kauhana fa nako nyana fa, sina nako hanze i zwelapili cwalo, kono lukaba hamoho hape. Ibile mulelo waka kulika fela ku etelela sicaba kwa sibaka sani.

<sup>64</sup> Mi cwale ka kukala silimo sesinca, Ni bata kubulela kuli, isiñi kuli "Mutabele Mwaha Omunca" ku mina, Ni bata ku bulela se ku mina, "Mulimu ami fuyole." Mi haiba A eza cwalo, kona fela ze mu ka tokwa mwa mwaha o taha. Mi Ni sepa kuli Uka eza ona cwalo.

<sup>65</sup> Mi Na, ka sishemo sa Hae, lu ka lika mwaha otaha wo, U ka ni buluka, uka mi buluka ni mina, ka sishemo sa Hae Ni sepa kuli Ni mulisana yomunde isaho kufita mo Ni bezi mwaha wo, ni sepa kuli Ni be mutanga yomunde ku Kreste. Ni ka lika katata kulika kupila ka swanelo, ka niti kufita sapili, ka kutisa Liñusa kuya fela ka Mwa ni fela lona, Ni ka Li tisa ku mina zende ze Ni kona, hakuna se Ni tabela kuli ni mi fe. Ni ka eza kaufela ze Ni ziba.

Mi Ni ziba kuli muikutwa kuba nto yeswana. Mu—mu ikutwa inge kuli kaufela lubata kubeleka hamoho cwale, kakuli maseli a manzibwana aya a tima kapili luli, mi lizazi se li likela. Lifasi la bata, lwa ziba cwalo, kubulela ka moya, keleke ya bata mi ancafazo ifelile. Ha lu zibi ze ka tatama, kono luka sepa Mulimu ka zeo, kaufela seo sili sona. Mi cwale sina luna fokuñwi . . .

<sup>66</sup> Ni bata kuli muhupule tabernakele ye kwanu ina ni alimuñwi wa balisana babande hahulu ku baba liteni mwa lifasi, Muzwale Orman Neville, muuna wa bumulumu, ki muuna yomunde. Mi ha ni siyo, Muzwale Neville umwa mayemo atezi hande, inge fela mo Ni kona kubela kwanu. Basepahali, madikoni, ni babañwi cwalo, ba lukela kusiyala mwa liofisi za bona sina fela mo ba ezezenga. Mi ye kona nkambe ya luna. Fa kona fo lu—fo lu—fo lu beilwe, ona fa. Billy Paul hana kuba ni na kwande kwani, konji fela mwa mukopano, uka kuta kwanu. Musebezi ni zeñwi kaufela libeleka ona mo ka kuswana fela. Kuya fela kwande kwani, sani ha si talusi kuli Na mi siya. Ni ya fela, mwa utwisisa, ki pono fela. Ha ni zibi se si talusa. Ni sepa ni ku lumela kuli ikaba kwa tuso ya Keleke kaufela kakutala. Mi Ni ziba kuli ikaba hande ku luna kaufela haiba lu latelela zamaiso ya Mulena. Sani kona se luziba mwa ku ezeza. Ha ki nto yebunolo kuna. Na hupula nako yeñwi Ni si ka zwa kale kwa keleke kwanu. Babañwi ba batu bakale mwa hupula cwalo, mo ne Ni sa koneli kuezeza cwalo! Na lata sicaba.

<sup>67</sup> Ha ne Ni sa li mushimani yomunyinyani Ne ni sa latwi, hakuna ya na ni tokomela inge Ni sa li mwana, mi Na, ha Ni to lemuhutu ya na ni lata, Na—Na hupula kuli, “nibata ku ba shwela.” Mi cwale, kakuli mututu wa ku lata, yomuñwi wa tokomela. Ne ni sweli kupahama fa kota mi kashuto kaka ka wela fa musumo wa kale wa kedare, mi muhala no li fahalimu hahulu, mi Na nata fateni ka muutwa wa likatulo, ka wela butelele bobulikana liñokolwa ze fikitini ni ka swala kwa lizoho laka. Kalibe a huwa, mi a to inata *cwalo*. Ne ni mu tabelanga kalibe yani, na tokomela. Neli mututu ya tokomela. Mi Ne ni nahana kamita kuli, “kaufela ya na ni tokomela, Na mu lata.”

<sup>68</sup> Mi kwanu nako yeñwi yefelile Ne nili mwa tolopo kwani, Ne ni sweli kunahana za mazazi mo ne abelanga, ni sa ni ezelize Mulimu, mi luli Na itumela. Mi Na itumela ku mina ka lilato la mina ni kutwano. Mi ha Ni koni ku mi kelusa. Ikana ibanga nzila ye lukile kamita, kuya ka mo ni zibela. Mi mu buluke manzwi aka, Ha ni si ka bulela sika kaufela ka na, nako kaufela ibile Jesu Krete. Mwabona? Mwabona? Kulika kupila bukaufi fela ni Linzwi la Hae ka mo Ni zibela, ku mi zamaisa ni ku mi tisa kwa sibaka se.

<sup>69</sup> Mi Ni mi beya cwale mwa mazoho a Muzwale Neville, pili ki mwa mazoho a Mulimu, mi cwale mwa lizoho la pabalalo ya Muzwale Neville, kuli alise keleke ni kutalima kutokomela buswa bo kufitela Ni ba ni mukopano wo ni kukutela ku mina



hape. Ka kusepa kuli nako yeo Ni kona ku mi tiseza sinulo yetuna yezwa ku Mulimu, ye ka tabisa pilu kaufela ni ku lumba Keleke ya Mulimu.

<sup>70</sup> Lwa canga mulalelo hañata. Ha ni lati kubulela zeñwi hape, mwa ziba mo Ni ikutwela. Mi Ni sepa pina ye lu lukela kuopela fa cwale, *Tumelo Yaka I Talima Wena, Wena Ngunyana ya Kalvari*. Mi halunze lu yema ni kuopela, halu itumeliseneñi mwa mazoho, ni kubulela kuli “Mulimu ami fuyole.”

Tumelo ya ka italima Wena,

<sup>71</sup> Aku fuyole, muzwale waka. Mulimu aku fuyole, kezeli. Mulimu aku fuyole, kezeli.

Mupulusi . . .

Mulimu aku fuyole, muzwale.

. . . Bumulimu.

Cwale . . .

. . . ? . . .

. . . wa Hao kakutala!

Cwale halu nanuleñi mazoho aluna ku Yena.

Tumelo ya ka italima Wena,  
Wena Ngunyana ya Kalvari,  
Mupulusi Yapahami;  
Cwale utwa ha Ni lapela,  
Zwisa sibi saka kaufela,  
O ku zwa kacenu  
Ni be wa Hao kakutala!

<sup>72</sup> “Kufitela lu kopana!” Halu opeleñi *Kufitela Lu Kopana Hape*. Mañi ni mañi cwale ha mu kene.

Kufitela lu kopana! kufitela lu kopana!  
Kufitela lu kopana kwa mautu a Jesu;  
Kufitela lu kopana!

. . . ? . . .

. . . abe ni mina kufitela lu kopana hape!  
Kufitela lu kopana! kufitela lu kopana!  
Kufitela lu kopana kwa mautu a Jesu; (Kufitela  
lu kopana!)  
Kufitela lu kopana! kufitela lu kopana!  
Mulimu abe ni mina kufitela lu kopana hape!

Halu inamiseñi litocho zaluna cwale.

<sup>73</sup> Muzwale Neville, kiñi, hausik wa lu lukulula ka tapelo? Mulimu aku fuyole.



*KANGISANO* LOZ62-1231  
(The Contest)

Liñusa le ka Muzwale William Marrion Branham, neli kotalizwe lwa pili mwa Sikuwa la Mubulo manzibwana, Ñulule 31, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatsiwa kusina kuzusa sika mwa teni kuya Sikuwa. Toloko ye ya mwa Silozi nei hatsizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)